

慎餘書屋集

卷三

慎餘書屋文集卷三

莆田陳池養著

修太平陂紀事

莆北洋興教里依山水利恃太平陂宋知興化軍劉公
諤所創知興化軍曾公用虎所脩也陂截荻蘆溪過流
環山爲內圳一破小山通流設石瓣分水爲上下圳二
上圳循山分十三甲設二十五涵孔出水以溉下圳循
澗節節爲埧廿七埧置閘蓄水上田以溉陂截溪就蓮
花石砌築中港架梁立木編草障流入圳圳與溪不甚

懸絕爲石圳引流圳漸高溪漸深繞山腰爲土圳遇山
斷累石爲址鋪石板過水內圳上下圳有壞分段段脩
理閱久不修圳漏敗康熙間下圳梧塘村與山內六垵
爭水知府徐希聖改天明破垵爲雞鳴破垵農田用水
夏秋最急夜短晝長雞鳴復無定六垵田苦旱梧塘祀
徐於世惠祠山內斥爲雞鳴公乾隆七年以上圳松坂蕭
奕韓請脩陂十三年知府灝公善行縣催脩迄嘉慶末
閱七十年石圳大壞上圳尤苦旱時池養官北直季弟
庠生謨訓取先中議祠祭租知之道光元年奉外諱歸

里季弟力勸脩復松坂劉達台同入泮相善亦以爲言
池養以修陂主松坂而柯劉二姓不和上墓日見捐職
千總柯澎武舉劉世英兩解之時道光二年九月也是
月再至泗洲上先墓兩人皆見於泗洲寺期十月朔日
如期至松坂皆集與巡視圳道至後山李維楨六八家
入崇聖宮過智鷲渡見陂頭石圳殘壞不能受水知苦
旱之由旣回寺計石圳分段認修工大費重專責之林
外楓嶺斷不能又合十三甲修之乃可禱寺伽藍神得
吉請東宮下劉僉議令十三甲按田集資公具呈知縣

天津香王明府時太史郭蘭石先生服闋將入都知
池養任是事與明府笑言其難明府示諭差督且申之

曰阻撓者拘以來望後已發工採石未開清田畝偕松
坂下劉東宮給耆至村敦勸林外殷戶推諉交差送官
渠畏而服於是小鄉遵約束松坂下劉東宮亦聽命柯
澎謂池養曰如此事可成集田畝金貯林外質庫備用

定十一月四日開工松坂派工相助令林外楓嶺東宮

下劉挑蜃灰泗洲梧梓西庵嶺前南埔出夫以季弟謨

訓督工作知府大興香垞徐公遣察視入城謁見具呈


示諭差督如晚香明府拆石圳和蜃土堅築表裏砌石
人夫朝入暮出蜃擔相踵嶺前者老鄭萬金曉工作令
分修土圳上圳工程有起色下圳應辦吳潭石工與梧
塘附貢盧騰芳議稅田拆修仍具呈辦理陂頭石圳吳
潭石工皆畢堅築分水石辦上下圳挾私起釁梧塘於
鼓岑埧下開直溝旣開復塞禍移山內十二月望夜月
食由泗洲步往勸仍開直溝事寢次日將入城請官嚴
辦梧塘大懼堅留認完諸工上圳糜錢尤多稅畝不足
斂圳上果樹及房屋焉十二月二十四日開陂放水下

圳一夜滿洞上圳不能至松坂議更定錢涵舊立石鑿孔名爲涵牌孔高水滿乃出人以便毀之計埋底石爲盤立牌左右石柱上壓以石孔設在下出水溉田水足稍塞以石次溉以下之涵既定議費無所出請晚香明府勘視勸出資完工道光三年正月初旬明府由崇聖宮循陂圳至泗洲見所修甚喜柯澎聞明府至再出若干餘不應乃向鳳山寺觀音大士卜借寺內捐項洋銀二百五十圓設涵牌修上圳涵牌孔圓如錢設立首松坂上溯東宮下劉楓嶺林外諸鄉東宮下劉舊開趙

莊橄欖下二私涵仍再添設松坂糾鄉爭之勸下壅塞
新添涵舊二私涵呈官事得止嗣下劉東宮見錢涵敷
溉議二私涵並改涵牌增舊二十五涵爲二十七涵又
山內東墓涵舊無分寸畹香明府傳諭不至出示設涵
爲所毀後呈府始服理酌增分寸設立是春是冬修內
外土圳新土堅築險工鑲石一律齊整鄭萬金之功也
道光四年二月香垞太守詣勘大悅作詩紀事載水利
志中是陂所溉半係隴田無水潦之患無車灌之勞土
膏肥沃甲於平疇圳敗水短兄弟不能相讓旣修猶懼

不成賴晚香明府威濟不敗舊定章程簡略大加斟酌
得香垞太守主持就緒陂之修也上圳庠生柯武詔劉
宣獻監生劉仲緝下圳附貢盧騰芳皆有功尤得季弟
謨訓加然以深山窮壑嚴寒督工作多食酒麪得黃疸
病延五年不起善事尙可爲哉又陂之修也蓋修圳耳
九里洋懼截溪流視知其詳議修南安陂道光三年請
董其事陂宋初陳公洪進所建在江口觀後村截荻蘆
溪過流入圳臨溪爲塍以障以導高下懸絕遇衝決修
復甚難至游隴分二圳入上中下三溝溉九里洋初灌

田少後漸多水力不及嘉慶十九年甲民修陂不知水性就下揭陂石高之透底滲漏乏水名匠揭起陂頭板石掘深丈許灌滿壘漿以石攔之斜覆板石撞令黏合無間修數十丈因雨輟工陂流大暢秋後卒爲之拆修別壞處二十餘丈餘草率了事田畝斂錢旣難議殷戶鳩資完工惜費不從後復請修池養匆匆靡暇矣今江口一帶習於戰鬪事無可爲圳必大壞也道光丙午十一月陳池養記



莆南北洋濬溝東角遮浪建隄紀事

莆本海也淤爲地先後陂延壽木蘭二溪通溝成田中
貫支海分南北兩洋隄岸禦潮東角遮浪地逼大海隄
防尤重歲久陂溝壅阻隄危甚嘉慶道光間苦旱南洋
短水官民謀疏濬不成金匱孫文靖公久官福建聞之
及爲總督見興屬各官必詢木蘭水利遵義王愛園明
府初任莆宰頗著循聲再任立志修復見池養如舊識
道光五年前署郡守貴筑李衡峯司馬來攝興糧廳王
明府貴州同鄉池養已巳同年進士也奉文靖公諭同

府縣勘辦郡守大興香垞徐公以池養嘗修太平南安
二陂議令董厥事辭不能得禱黃石穀城宮五得吉禱
郡城隍神三得吉獻度田派工按戶集資二議代擬勘
稟二稿及捐勸引府廳懸於稟內僉池養名進省見文
靖公公問派工集資何爲並用池養曰分段開溝宜按
田攤辦然要工尙須津貼其運沙棄海一切建置非集
資不可田畝派兼貧富貧民多派力絀集資皆富人且
可普及也問董事胡止一人池養曰公以此舉爲善事
耶竊意大役旣興謗議必騰非堅持不可人少同心勢

不相下則事敗矣矧事大且難亦無別人敢任也問徐

守能了此事否

池養

曰郡守公正廉潔可資督率縣任

捐勸廳助之何憂不成問期對以五年不許三年乃許

厥後開南洋溝築寶勝溪堰建東角隄填洋城磯復開

北洋溝卒至五年也文靖公倡捐銀八百兩出示曉諭

在省司道府興郡府廳縣各捐廉俸焉

池養

回莆與洋

城羣生林翰藻遍歷村莊開田畝募富家求多王明府

怪問之

池養

曰事大費重不若是不成後果費絀幾敗

事竊恨愛園明府之不盡用良謀也其明年爲道光六

年屢至南洋知東角隄之壞遮浪武生程必捷請往視之既至遮浪轉由大龜嶼到東角以隄缺處潰爲青龍港迂道而行駭見隄之殘敗村人爲言古係石隄明初江夏侯周德興拆改土築潮大決直趨壺公山下嘉靖時知府黃一道累石附土不免於患

國初地棄隄廢雍正時知府蘇本潔復築乾隆間屢敗於潮再壞於水鄉人於六月後取土隄外堆積屈曲以禦危不可支播遷難免恐害及南洋也據情轉請府廳縣會勘具稟開溝後連工爲之水利外又有隄工事愈難

矣其夏署興糧廳李司馬以憂去震澤袁笛生明府來
接署旣見議合退而喜曰李者起也袁者完也事其成
乎臺灣分類械鬪文靖公將由蚶江渡過莆田見於江
口諭以設法辦理旣而汾陽韓公抵巡撫任倡捐銀四
百兩明白曉諭稍震動矣秋後截木蘭陂築隄迴注溪
水於北洋開洋城林墩東山三斗門放水於海修陂兩
岸挖陂面沙董其事者東埔武生陳一清也池養以南
洋人情煥散橫塘一帶溝與地平尤乏水與橫塘封君
張文有暨其子監生鵬程庠生士俊武舉士選俊秀士

趙議興工爲倡士俊池養門人也有抗者王明府至鄉
嚴督橫塘以南議皆合上及東溝西利下及小橫塘嶺
頂無不挖掘錦墩洋尾新路洋城清江諸大村見溝向
南已開轉東必乏水紳耆願聽約束新路舉人張大原
爲之首其通流要津以新路開金城庵大溝洋城開坂
上大溝開不如式加津貼沙堆田中高過於屋以次及
下洋天時和暖人心踴躍統上中下三段各溝無不疏
濬文靖公內渡至莆先迂道過木蘭陂謁李侯暨錢夫
人廟次日迂道過南洋因奏開溝情形稟角隄應築而